

Na osnovu člana 19. Statuta Udruženja "ORIGINAL" za ostvarivanje i zaštitu reproduksijskih prava broj: 05/17 od 22.6.2017. godine, Skupština Udruženja "ORIGINAL" za ostvarivanje i zaštitu reproduksijskih prava (u daljem tekstu: Udruženje) je dana 30.6.2021. godine, danijela:

ODLUKU

O načinu isplate rezervisanih sredstava u raspodjeli 2018/2019

Član 1.

Novčana sredstva iz iznosa za raspodjele 2018-2019 koja su rezervisana za nosioce prava koji nisu dostavili potrebne podatke po ranijim pozivima, bit će isplaćena u 2021. godini na sljedeći način:

1. Udruženje će objaviti javni poziv za dostavu podataka od strane nosioca prava koji dostavu podataka ranije nisu izvršili,
2. Javni poziv će biti otvoren 60 dana u 2021.godini,
3. Javni poziv će biti objavljen u tri dnevna lista, na zvaničnoj web stranici i Facebook stranici Udruženja, te će biti distribuiran u udruženja nosilaca prava,
4. Udruženje će utvrditi koji nosioci prava su po pozivu iz 2021. godine (naknadno) dostavili potrebne podatke za isplatu te izvršiti isplatu u njihovu korist,
5. Udruženje će utvrditi preostali iznos sredstava koji bi pripao nosiocima prava koji nisu dostavili potrebne podatke ni po Pozivu Udruženja iz 2020. godine, u periodu do dana objave Javnog poziva, ni po Javnom pozivu u 2021. godine,
6. Iznosu sredstava koji bi pripao nosiocima prava koji nisu dostavili potrebne podatke (u skladu sa tačkom 5.), bit će pridružena sredstva za strana društva uzevši u obzir da su Upravni i Nadzorni odbor Udruženja saglasno potvrdili da prema važećim bilateralnim ugovorima nema obaveza prema stranim društvima,
7. Iznosi iz tačke 5. i 6. činit će distribucionu masu,
8. Iznosi rezervacije za žalbe ostaje rezervisan u skladu sa važećim Godišnjim planom raspodjele (5 % u obje kategorije nosilaca prava) do 31.12.2022. godine za eventualno potrebno postupanje po prigovorima ili žalbama,
9. Iznos sredstava koji bi pripao nosiocima prava koji nisu dostavili podatke bit će preraspoređen na nosioce prava čiji podaci su dostupni i time će biti izvršena konačna raspodjela za 2018-2019.godine u 2021. godini po istim principima koji su primijenjeni za raspodjelu u 2020. godini.

Član 2.

Ova Odluka stupa na snagu danom usvanja iste od strane Skupštine Udruženja.

Član 3.

Ova Odluka sačinjena je u 4 istovjetna primjerka, od kojih se jedan dostavlja Predsjedniku Upravnog odbora, jedan se dostavlja Računovodstvu Udruženja, jedan se dostavlja Institutu za intelektualno vlasništvo, a jedan zadržava u arhivi Udruženja.

Obrazloženje

Sa ciljem razrješenja pitanja rezervisanih sredstava za nosioce prava koji nisu dostavili svoje podatke za isplatu po ranijim pozivima, Upravi odbor je Skupštini Udruženja predložio modus za isplatu iznosa novca iz raspodjele 2018-2019 uzevši u obzir da je novac iz označene raspodjele ostao rezervisan pod velikim brojem nosilaca prava čije podatke za isplatu Udruženje nema niti može pribaviti.

Udruženje je na više načina, počev od distribucije poziva kod udruženja nosilaca prava, pa do objavlje javnog poziva, pokušalo obezbijediti prijavu i dostavu podataka koji su Udruženju potrebni za isplatu pripadajućih naknada u korist nosilaca prava. Međutim, bez obzira na sve napore Udruženja, određeni broj nosilaca prava se nije javio Udruženju niti je dostavio podatke koji su potrebni za isplatu predmetne naknade.

Uzevši u obzir da su zbog nosilaca prava koji ne izvršavaju svoje obaveze i ne postupaju aktivno u ostvarivanju svojih prava, afektirani nosioci prava koji su uredno izvršili svoje obaveze odnosno aktivno pristupili ostvarivanju svojih prava, na način da su u njihovu korist izvršene manje isplate zbog potrebe rezervisanja novčanih sredstava u korist nosilaca prava koji ranije nisu dostavili svoje podatke, Udruženje se smatralo obaveznim riješiti označeno pitanje.

U skladu sa naprijed navedenim, Udruženje je donijelo odluku o objavi još jednog i ujedno posljednjeg poziva nosiocima prava za raspodjelu iz 2018-2019. godine sa ciljem pribavljanja njihovih podataka.


Nosioci prava koji se ne jave Udruženju u roku koji bude ostavljen javnim pozivom, neće moći ostvariti pravo na raspodjelu iz 2018-2019.godine te će sredstva biti isplaćena nosiocima prava ranije prijavljenim, kao i onim koji po pozivu dostavljaju svoje podatke, u skladu sa principima koji su primijenjeni za raspodjelu u 2020. godini.

Udruženje je stava da će objavom poziva u smislu ove Odluke, iscrpiti sve moguće načine za utvrđivanje nosilaca prava iz obaveznog kolektivnog ostvarivanja prava za raspodjelu iz 2018-2019. godine. Kod donošenja ove Odluke odnosno odlučivanja o objavi još jednog poziva, naročito je uzeta u obzir činjenica da se radi o Udruženju koje je osnovano 2017. godine, a uvjete za prvu raspodjelu steklo tek 2020. godine odnosno da će sa predmetnom objavom okončati postupak uvođenja u pravo nosilaca prava.

Stoga, donesena je odluka kao u dispozitivu.

Sarajevo, 30.6.2021.
Broj: 06/21

Predsjednik Skupštine


Budislav Vojinović

